

বাংলাদেশ ২০১৩: ছড়া - ২

মোহাম্মদ আবদুর রায়যাক

আপনি কি ভাই ‘শাহবাগী’? না কি ‘হেফাজতি’?
সহজ হিসাব, এ ছাড়া নাই অন্য কোন গতি।
‘জয় বাংলা’ শ্লোগান ওঠে শাহবাগীদের ভীড়ে -
হেফাজতি দেয় পরিচয় ‘নারায়ে তাকবীরে’।
আপনি আমি, পথের মানুষ, আম জনতা যারা-
সারাক্ষণই ভয়ে কাটাই, কখন যে যাই মারা।

শাহবাগের তরণরা চায় রাজাকারের ফাঁসী,
নিষিদ্ধ হোক জামাত-শিবিরঃ এরা সর্বনাশী।
হেফাজতের নেতারা কয় ‘নাস্তিক, মুরতাদ
শাহবাগীদের চড়াও ফাঁসী, না হলে বরবাদ
হবে তোমার নির্বাচনে জয়ের আশা জেনো,
ফটিকছড়ির মার ভুলোনা, শিক্ষা তারে মেনো।’

জামাত-শিবির, বি এন পি কয় ‘থামবে না হরতাল -
মানুষ মরুক, আগুন জ্বলুক, হোক দেশ পয়মাল’!
সরকারী দল বলে ‘তাতে কুছ পরোয়া নাই,
ছলে, বলে, কৌশলে হোক ভোটটা জিততে চাই,
ছাড়লে গদী হাল কি হবে, নয়কি সে আর জানা -
জ্বালাও, পোড়াও যাই করোনা, কেয়ার টেকার মানা’।

জ্বলছে আমার জন্মভূমি, জ্বলছে বাংলাদেশ -
নষ্ট নেতার নষ্ট নীতি দেশটা করে শেষ।

ঢাকা, এপ্রিল ১৭, ২০১৩